



Trefniadau Derbyn Cydlynol i Ysgolion 2028-2029

(1 Medi 2028 – 31 Awst 2029)

1. Cyflwyniad

Mae Rheoliadau Addysg (Cydlynu Trefniadau Derbyn i Ysgolion a Diwygiadau Amrywiol) (Cymru) 2024, yn ei gwneud yn ofynnol i awdurdodau lleol lunio a chyhoeddi cynllun i gydlynu trefniadau derbyn ar gyfer pob ysgol a gynhelir, (ac eithrio lleoedd chweched dosbarth ysgol, ysgolion arbennig a gynhelir ac ysgolion meithrin a gynhelir, ond gan gynnwys ysgolion preswyl) o fewn eu hardal.

Caiff mynediad plant i ysgolion ei reoli a'i weinyddu gan 'awdurdod derbyn'. Yn achos derbyniadau cydlynol i ysgolion ym Mhen-y-bont ar Ogwr, bydd Cyngor Bwrdeistref Sirol Pen-y-bont ar Ogwr (y cyfeirir ato hefyd yn y ddogfen hon fel 'yr awdurdod lleol') yn gweinyddu'r trefniadau derbyn cydlynol i ysgolion.

Mae Atodiad A yn nodi pob ysgol y mae'r cynllun cydlynol yn gymwys iddi ac ai'r awdurdod lleol, neu'r corff llywodraethu, yw'r awdurdod derbyn.

Yn unol â Rheoliadau Addysg (Meysydd Perthnasol ar gyfer Ymgynghori ar Drefniadau Derbyn) 1999, yr ardal berthnasol ar gyfer yr awdurdod derbyn, yw ardal ddaearyddol Bwrdeistref Sirol Pen-y-bont ar Ogwr.

Bwriad cynlluniau cydlynol yw symleiddio'r broses dderbyn i rieni/gofalwyr wrth leihau'r tebygolrwydd y bydd unrhyw blentyn yn cael ei adael heb le mewn ysgol. Mae cydlynu yn sefydlu dull sy'n sicrhau, cyn belled ag y bo'n rhesymol ymarferol, bod pob rhiant/gofalwr plentyn sy'n byw mewn ardal awdurdod lleol, sy'n cyflwyno cais o fewn y rownd dderbyn arferol, yn derbyn un, a dim ond un, cynnig o le ysgol gan eu hawdurdod lleol.

Nid yw'r awdurdod lleol yn gallu cefnogi ceisiadau i ysgolion nad ydynt yn ardal ddaearyddol Pen-y-bont ar Ogwr.

Mae'r awdurdod lleol yn adolygu ei drefniadau derbyn ar gyfer addysg statudol ac anstatudol yn barhaus ac yn cadw'r hawl i'w diwygio.

Mae Rheoliadau Addysg (Cydlynu Trefniadau Derbyn i Ysgolion a Diwygiadau Amrywiol) (Cymru) 2024 yn datgan bod yn rhaid i bob awdurdod lleol, bob blwyddyn, lunio a mabwysiadu cynllun cydlynol erbyn 1 Ionawr yn y flwyddyn benderfynu berthnasol.

Os yw'r cynllun yn sylweddol wahanol i'r cynllun a fabwysiadwyd ar gyfer y flwyddyn ysgol flaenorol, rhaid i'r awdurdod lleol ymgynghori â'r awdurdodau derbyn eraill yn yr ardal ac unrhyw awdurdod lleol arall y mae'n penderfynu ei bod yn briodol ymgynghori ag ef.

Lle nad yw'r cynllun wedi newid o'r flwyddyn flaenorol, nid oes angen ymgynghori, yn amodol ar y gofyniad bod yn rhaid i'r awdurdod lleol ymgynghori ar y cynllun o leiaf unwaith bob chwe blynedd, hyd yn oed os na fu unrhyw newidiadau yn ystod y cyfnod hwnnw.

Rhaid i awdurdod lleol hysbysu Gweinidogion Cymru, p'un a ydynt wedi sicrhau mabwysiadu cynllun cymhwyso erbyn 28 Chwefror yn y flwyddyn benderfynu. Gall Gweinidogion Cymru osod cynllun cydlynol lle nad yw awdurdod lleol wedi hysbysu Gweinidogion Cymru erbyn 28 Chwefror bob blwyddyn benderfynu, p'un a yw cynllun wedi'i fabwysiadu ai peidio.

Rhaid i bob awdurdod derbyn gymryd rhan mewn cydlynu ar gyfer y rownd dderbyn arferol a darparu'r wybodaeth sydd ei hangen ar yr awdurdod lleol i gydlynu derbyniadau erbyn y dyddiadau y cytunwyd arnynt yn y cynllun.

2. Gweinyddu'r cynllun cydlynol

Bydd yr awdurdod lleol yn cydlynu trefniadau derbyn ar gyfer ceisiadau yn y rowndiau derbyn arferol, hynny yw, Dosbarth Derbyn a Blwyddyn 7.

Bydd angen i rieni lenwi Ffurflen Gais Gyffredin ar-lein a gallant fynegi hyd at dri dewis ar gyfer ysgolion cymunedol a/neu ysgolion gwirfoddol a gynorthwyr.

Bydd yr awdurdod lleol a'r awdurdodau derbyn ar gyfer yr ysgolion gwirfoddol a gynorthwyr yn cyfnewid gwybodaeth am geisiadau a wnaed, yn graddio dewisiadau ac yn cadarnhau cynigion erbyn y dyddiadau a bennir yn amserlenni'r rowndiau derbyn.

Rhaid i'r awdurdod lleol anfon cynigion o leoedd ar y diwrnod cynnig cenedlaethol. Ar gyfer derbyniadau i ysgolion uwchradd, mae hyn ar 1 Mawrth neu'r diwrnod gwaith nesaf, ac ar gyfer ysgolion cynradd, mae hyn ar 16 Ebrill neu'r diwrnod gwaith nesaf. Bydd rhieni/gofalwyr yn cael gwybod am ganlyniad eu cais yn ysgrifenedig.

Os gwrthodir dewis, bydd rhieni/gofalwyr yn cael cynnig yr hawl i apelio. Bydd sut mae'r apêl yn cael ei phrosesu yn dibynnu ar y math o ysgol sydd wedi'i gwrthod. Bydd manylion llawn am sut i gyflwyno apêl yn cael eu cynnwys yn y llythyr ymateb i'r rhiant/gofalwr.

2.1 Pwy sy'n rhan o'r cynllun

Yr awdurdod lleol yw'r awdurdod derbyn ar gyfer ysgolion cymunedol a gynhelir (gweler Atodiad 1). Mae'r ysgolion canlynol yn ysgolion gwirfoddol a gynorthwyr a nhw yw eu hawdurdod derbyn eu hunain:

- Ysgol Gynradd yr Eglwys yng Nghymru yr Archddiacon John Lewis
- Ysgol Gynradd Gatholig y Santes Fair
- Ysgol Gynradd Gatholig y Santes Fair a Sant Padrig
- Ysgol Gynradd Gatholig Sant Robert
- Ysgol Uwchradd Gatholig Archesgob McGrath

3. Dewis rhieni

3.1 Y ddyletswydd i gydymffurfio â dewis rhieni

Mewn perthynas â derbyniadau i ysgolion cynradd (ac eithrio dosbarthiadau meithrin), ysgolion iau ac ysgolion uwchradd (gan gynnwys chweched dosbarth), mae gan yr awdurdod lleol ddyletswydd statudol i ystyried yr egwyddor gyffredinol y dylai disgyblion gael eu haddysgu'n unol â dymuniadau eu rhieni/gofalwyr, cyn belled â bod hynny'n gyson

â darparu addysg effeithlon ac yn osgoi gwariant cyhoeddus afresymol (A.9 o Ddeddf Addysg 1996).

Mae'r awdurdod lleol yn defnyddio'r un egwyddor o ddewis rhieni ar gyfer ceisiadau am addysg feithrin anstatudol mewn ysgol a gynhelir gan awdurdod lleol.

Nid yw dyletswydd yr awdurdod lleol i gydymffurfio â dewis rhieni yn berthnasol pan fydd:

1. Derbyn yn anghydnaws â'r ddyletswydd statudol i gadw at reoliadau maint dosbarthiadau babanod.
2. Derbyn y plentyn yn niweidiol i ddarpariaeth addysg effeithlon neu ddefnydd effeithlon o adnoddau.
3. Trefniadau derbyn i chweched dosbarth ysgol wedi eu seilio'n llwyr ar allu neu ddawn a byddai cydymffurfio â'r dewis yn anghydnaws â'r trefniadau derbyn hynny.
4. Y plentyn wedi ei wahardd yn barhaol o ddwy ysgol neu fwy. O dan yr amgylchiadau hyn, nid yw'n ofynnol i'r awdurdod lleol gydymffurfio â dewis rhieni o le mewn ysgol am gyfnod o ddwy flynedd ar ôl diwrnod ysgol cyntaf yr ail waharddiad.

Nid yw'r eithriad hwn i'r gofyniad i gydymffurfio â dewis rhieni yn berthnasol i:

- Ddisgyblion a oedd yn iau na'r oedran addysg orfodol pan gawsant eu gwahardd.
- Disgyblion a gafodd eu derbyn yn ôl yn dilyn gwaharddiad parhaol neu ddisgyblion a fyddai wedi eu derbyn yn ôl yn dilyn gwaharddiad parhaol os byddai wedi bod yn ymarferol i wneud hynny.
- Disgyblion sydd â datganiadau o anghenion addysgol arbennig neu gynllun datblygu unigol (CDU).
- Disgyblion sy'n derbyn gofal (mae'n rhaid i'r cais ar gyfer derbyn gael ei wneud gan y rhiant corfforaethol), neu sydd wedi derbyn gofal (mae'n rhaid i'r cais ar gyfer derbyn gael ei gyflwyno gyda thystiolaeth o'r statws o dderbyn gofal yn y gorffennol).

3.2 Cydymffurfio â dewis rhieni

O fewn yr awdurdod lleol, mae gan bob ysgol cyfrwng Saesneg ardal y mae'n ei gwasanaethu (ei dalgylch). Ar gyfer ysgolion cyfrwng Cymraeg ac ysgolion ffydd (ysgolion gwirfoddol a gynorthwyir), nid oes dalgylchoedd. Fodd bynnag, rhaid i'r awdurdod lleol roi cyfle i bob rhiant/gofalwr fynegi dewis ar gyfer yr ysgol y maent yn dymuno i'w plentyn ei

mynychu beth bynnag fo'r dalgylch. Er bod y rhan fwyaf o rieni/gofalwyr yn hapus i ddewis ysgol eu dalgylch, rhaid i rieni/gofalwyr ddewis yr ysgol honno trwy ffurflen gais derbyn ysgol neu gais derbyn/trosglwyddo ysgol yn ystod y flwyddyn. Mae'r ffurflen gais yn caniatáu i rieni/gofalwyr restru mwy nag un ysgol yn nhrefn blaenoriaeth. Bydd yr awdurdod lleol yn cynnig lle yn yr ysgol uchaf ar y rhestr sydd ar gael.

Mae'r awdurdod lleol wedi ymrwymo i'r egwyddor o ddarparu ysgolion lleol i blant lleol a bydd yn gwneud pob ymdrech i sicrhau y gall rhieni/gofalwyr sicrhau lle i'w plentyn/plant yn yr ysgol ddalgylch, pan fo rhieni/gofalwyr wedi mynegi dewis i'r ysgol honno. Fodd bynnag, ni ddylai rhieni/gofalwyr dybio'n awtomatig y bydd lle ar gael ar gyfer eu plentyn yn eu hysgol ddalgylch, nac mewn unrhyw ysgol benodol.

Mae dyletswydd ar yr awdurdod lleol i fodloni dewisiadau derbyn a fynegwyd gan rieni/ofalwyr o flaen y rhai hynny nad ydynt wedi mynegi dewis. Felly ar gyfer y cylchoedd derbyn arferol, mae'n rhaid i rieni/ofalwyr sicrhau eu bod yn nodi eu dewis/iadau ar y ffurflen gais derbyn i ysgol a bod y cais yn cael ei gyflwyno i'r awdurdod lleol erbyn y terfyn amser a nodwyd.

3.3 Newidiadau i ddewis rhieni a fynegir

Mewn cylchoedd derbyn, os yw'r rhiant / gofalwr yn dymuno newid y dewis / dewisiadau ysgol ar ôl i'r cais gael ei gyflwyno i'r awdurdod lleol:

1. Mae'n rhaid rhoi gwybod i'r awdurdod lleol mewn ysgrifen (e-bost neu lythyr).
2. Os caiff yr awdurdod wybod am y newid cyn dyddiad cau y cylch derbyn, ystyrir y newid wrth ddefnyddio'r meini prawf gordanysgrifio a dyrannu lleoedd.
3. Os caiff yr awdurdod wybod am y newid ar ôl dyddiad cau'r cylch derbyn, defnyddir y dewis / dewisiadau ysgol a gofnodwyd ar y cais wrth ddefnyddio'r meini prawf gordanysgrifio a dyrannu lleoedd. Bydd yr ymgeisydd yn cael llenwi a chyflwyno cais hwyr os nad yw'n ffafrio'r ysgol y dyrennir lle ynddi mwyach, a byddai hyn yn amodol ar y darpariaethau sy'n berthnasol i geisiadau hwyr (adran 9.2). Fodd bynnag, o dan yr amgylchiadau hyn, bydd yr awdurdod lleol yn cynnig yr opsiwn i'r ymgeisydd gynnal y cais gwreiddiol a dewis / dewisiadau ysgol yn lle.

Bydd y ffurflen gais yn nodi uchafswm y dewisiadau y gall rhiant/gofalwr eu mynegi o ran eu dewis o ysgolion. Gall rhiant/gofalwr fynegi i ddewis nifer llai o ddewisiadau ysgol. Fodd bynnag, mewn sefyllfa o'r fath, os na all yr awdurdod lleol gynnig lle mewn unrhyw ysgol o'u dewis, ni fydd yr awdurdod lleol yn cymryd unrhyw gamau pellach mewn perthynas â'r cais.

Bydd yn ofynnol i'r rhiant / gofalwr gwblhau a chyflwyno cais newydd ar gyfer unrhyw ysgol amgen, a fydd yn cael ei brosesu fel cais hwyr yn unol â darpariaethau adran 9.2.

4 Dalgylchoedd ysgolion

4.1 Ysgolion Cymraeg

Nid oes ardaloedd dalgylch ar gyfer ysgolion Cymraeg ym Mhen-y-bont ar Ogwr.

4.2 Ysgolion gwirfoddol a gynorthwyir

Nid oes ardaloedd dalgylch ar gyfer ysgolion gwirfoddol a gynorthwyir ym Mhen-y-bont ar Ogwr.

4.3 Pob ysgol arall

Mae [mapiau dalgylchoedd ysgolion](#) wedi eu cyhoeddi ar wefan yr awdurdod lleol.

Mae'n bosibl y gall dalgylchoedd newid, a bydd unrhyw newidiadau yn destun ymgynghoriad cyn eu rhoi ar waith.

Nid oes hawl awtomatig i gynnig lle yn ysgol ddalgylch plentyn, na sicrwydd o hynny.

5 Capasiti ysgolion a'r nifer derbyn cyhoeddedig

Capasiti ysgol yw nifer y lleoedd i ddisgyblion sydd yn yr ysgol.

Mae Llywodraeth Cymru wedi cyhoeddi methodoleg cyfrifo capasiti ar gyfer pob ysgol. Nod y fethodoleg hon yw darparu dull cadarn a chyson o asesu capasiti disgyblion pob ysgol gymunedol, wirfoddol a gynorthwyir, wirfoddol a reolir a sefydledig yng Nghymru.

Mae capasiti cyfrifedig ysgol wedi ei seilio ar nifer y lleoedd mewn ysgol a'i ddefnydd. Ar gyfer grwpiau blwyddyn oedran statudol (dosbarth Derbyn i Flwyddyn 11) mae'r capasiti cyfrifedig yn llywio nifer derbyn cyhoeddedig ysgol.

Mae Atodiad B yn darparu'r niferoedd derbyn cyhoeddedig ar gyfer yr holl ysgolion y mae'r awdurdod lleol yn awdurdod derbyn ar eu cyfer.

Am flwyddyn arferol o fynediad (hynny yw, Derbynfa a Blwyddyn 7), mae'n rhaid i awdurdod lleol dderbyn disgyblion hyd at y nifer derbyn cyhoeddedig ym mhob grŵp blwyddyn oedran statudol mewn ysgol.

Gan fod y nifer derbyn cyhoeddedig yn adlewyrchu gallu'r ysgol i dderbyn disgyblion, dim ond o dan amgylchiadau eithriadol y dylid derbyn mwy na'r nifer hwn.

6 Gwybodaeth neu amgylchiadau nad yw'r awdurdod lleol yn eu hystyried wrth wneud penderfyniadau derbyn

Nid yw'r canlynol yn rhestr drwyadl, ond mae'n rhoi'r brif wybodaeth ac amgylchiadau nad ydynt yn cael effaith ar benderfyniadau derbyn;

- Unrhyw ysgol y mae'r plentyn wedi ei mynychu yn flaenorol.
- Unrhyw ysgol y gallai plentyn ei mynychu yn y dyfodol.
- Rhiant/gofalwr yn dweud wrth unrhyw ysgol bod bwriad i wneud cais am le yn yr ysgol. Mae hyn yn cynnwys unrhyw achos lle mae rhiant / gofalwr o'r farn eu bod wedi 'cofrestru' eu plentyn am le yn yr ysgol.
- Gwahoddiad i, neu bresenoldeb plentyn, mewn diwrnod 'blasu'/pontio mewn unrhyw ysgol.
- Caniatâd gan unrhyw ysgol i rieni/ofalwyr a/neu'r plentyn ymweld â'r ysgol.
- Unrhyw arwydd a roddir yn glir, neu a dybir gan riant/ofalwr y'i rhoddwyd, gan ysgol bod lleoedd ar gael yn yr ysgol mewn unrhyw grŵp blwyddyn, ac eithrio'r chweched dosbarth.

7 Cydraddoldeb

Mae Polisi a threfniadau Derbyn i Ysgolion yr awdurdod lleol yn ceisio sicrhau cydymffurfiaeth lawn â'r holl ddeddfwriaeth a chanllawiau perthnasol, o ran cyfle cyfartal a hawliau dynol (Deddf Cydraddoldeb 2010, Deddf Hawliau Dynol 1998, Deddf yr Iaith Gymraeg 1993 a Mesur y Gymraeg (Cymru) 2011).

Hoffai'r awdurdod lleol i'w wasanaethau fod ar gael i'r gymuned gyfan a bydd yn herio gwahaniaethu yn ein cymunedau, boed ar sail statws rhyw, hil, rhywedd, anabledd, oedran, cyfeiriadedd rhywiol, crefydd neu gred, beichiogrwydd a mamolaeth, priodas neu bartneriaeth sifil.

Mae Cynllun Cydraddoldeb Corfforaethol yr awdurdod lleol yn nodi sut y bydd yn cydymffurfio â Dyletswydd Cydraddoldeb y Sector Cyhoeddus wrth gyflawni ei swyddogaethau, gan roi sylw dyledus i'r angen i:

- ddileu gwahaniaethu, aflonyddu, erledigaeth ac unrhyw ymddygiad arall a waherddir o dan y ddeddfwriaeth;
- datblygu cyfle cyfartal rhwng unigolion sy'n rhannu nodwedd warchodedig berthnasol ac unigolion nad ydynt yn rhannu'r nodwedd; a
- meithrin cysylltiadau da rhwng unigolion sy'n rhannu nodwedd warchodedig berthnasol ac unigolion nad ydynt yn rhannu'r nodwedd.

8 Diogelu data a rhannu gwybodaeth

Mae'r awdurdod lleol yn cydymffurfio â'r Rheoliad Cyffredinol ar Ddiogelu Data (GDPR) a Deddf Diogelu Data 2018. Mae [canllawiau ac egwyddorion Diogelu Data](#) llawn yr awdurdod lleol ar gael i'w darllen ar y wefan.

Cedwir unrhyw wybodaeth a gofnodir gan ymgeisydd mewn ffurflen gais derbyn i ysgol yn electronig a bydd yn cael ei defnyddio gan yr awdurdod lleol at ddiben prosesu'r cais.

Bydd yr awdurdod lleol yn rhannu'r wybodaeth a ddarperir ar ffurflen gais derbyn i ysgol neu gais derbyn/trosglwyddo i ysgol yn ystod y flwyddyn â'r ysgolion perthnasol yn unol â'r [Prosesu Teg](#).

Bydd yr awdurdod lleol yn ymchwilio i unrhyw geisiadau derbyn i ysgolion lle mae amheuaeth ynghylch y wybodaeth a ddarparwyd. Bydd hyn er mwyn cynorthwyo i atal a chanfod twyll er mwyn cael mantais annheg yn y system ceisiadau ysgol ac o dan Atodlen 2, rhan 1, 2(1) o Ddeddf Diogelu Data 2018.

9 Cylchoedd derbyn

9.1 Cyflwyno ceisiadau

Mae'n ofynnol i rieni/gofalwyr wneud cais am le mewn ysgol ar gyfer eu plentyn.

Mae'n **rhaid** i riant/ofalwr lenwi ffurflen gais derbyn i ysgol.

Mae angen cais ar wahân i bob plentyn.

Ni chaniateir i blentyn ddechrau mewn ysgol nes bod cais wedi'i dderbyn a'i brosesu gan yr awdurdod lleol, a bod lle mewn ysgol wedi'i gynnig gan yr awdurdod lleol i'r rhiant/gofalwr yn ysgrifenedig.

Yr ymgeisydd

Mewn cysylltiad â cheisiadau, mae'n rhaid i'r cais gael ei wneud gan 'riant' y plentyn, yn unol â'r diffiniad yn adran 576 o Ddeddf Addysg 1996. Mae hyn yn nodi bod 'rhiant', mewn cysylltiad â phlentyn neu berson ifanc, yn cynnwys unrhyw berson nad yw'n rhiant biolegol ond sydd â chyfrifoldeb rhiant, neu sy'n gofalu am y plentyn.

Felly, at ddibenion cyfraith addysg, mae 'rhiant' yn cynnwys;

- pob rhiant biolegol, p'un a ydynt wedi priodi ai peidio;
- unrhyw berson sydd, er nad yw'n rhiant biolegol, â chyfrifoldeb rhiant dros blentyn neu berson ifanc – gall hwn fod yn rhiant mabwysiadol, llys-riant, gwarcheidwad neu berthynas arall; ac

- unrhyw berson sydd â gofal dros blentyn neu berson ifanc, ond nad yw'n rhiant biolegol nac â chyfrifoldeb rhiant.

Mae person fel arfer â gofal dros blentyn neu berson ifanc os yw'r plentyn yn byw gyda'r person, naill ai'n amser llawn neu'n rhan-amser ac sy'n gofalu am y plentyn, ni waeth beth yw'r berthynas fiolegol a chyfreithiol â'r plentyn.

Mae'r awdurdod lleol yn defnyddio'r term 'rhiant/gofalwr' i adlewyrchu diffiniad cyfreithiol 'rhiant', fel y nodwyd uchod.

Bydd yr awdurdod lleol dim ond yn derbyn apêl sydd wedi'i chofrestru gan unigolyn nad yw'n rhiant/gofalwr os oes caniatâd ysgrifenedig priodol gan y rhiant/gofalwr wedi'i atodi.

Bydd angen i ymgeisydd ddatgan ei berthynas â'r plentyn a darparu'r wybodaeth y mae'r awdurdod lleol yn gofyn amdani, gan gynnwys dogfennau, sy'n profi'r berthynas ar yr adeg pan gyflwynir y cais.

Sut i wneud cais

Gellir cyflwyno ceisiadau ar-lein drwy gofrestru i 'Fy Nghyfrif' ar wefan Cyngor Bwrdeistref Sirol Pen-y-bont ar Ogwr.

Gall unrhyw rieni/ofalwyr nad oes ganddynt ddefnydd o'i gyfrifiadur/liniadur neu ffôn clyfar ei hun, ddefnyddio'r cyfrifiaduron sydd ar gael yn y llyfrgelloedd yn y fwrdeistref sirol i gofrestru i Fy Nghyfrif a chwblhau cais derbyn i ysgol. Gall unrhyw riant/ofalwr sy'n methu o hyd â chreu Fy Nghyfrif a chyrchu'r cais derbyn i ysgol perthnasol ar-lein, gysylltu â'r awdurdod lleol a gofyn am gopi caled o'r ffurflen gais.

Os bydd rhieni/gofalwyr yn caniatáu llenwi'r ffurflen gais derbyn i ysgol drwy Fy Nghyfrif trydydd parti, ystyrir y bydd daliwr Fy Nghyfrif yn cyflwyno'r cais ar ran, a gyda chaniatâd llawn, rhieni/gofalwyr y plentyn. O dan yr amgylchiadau hyn, ystyrir y bydd y rhieni/gofalwyr yn derbyn cyfrifoldeb llawn dros ganlyniadau unrhyw gamgymeriadau neu wallau wrth lenwi a/neu gyflwyno'r cais.

Nid yw'r awdurdod lleol yn derbyn unrhyw gyfrifoldeb am beidio â derbyn cais na chafodd ei gyflwyno drwy'r cyfleuster ar-lein.

Os bydd gweithdrefnau'r awdurdod lleol ar gyfer cyflwyno ceisiadau derbyn yn newid cyn neu yn ystod dyddiadau effeithiol y trefniadau cydlynol hyn, cyhoeddir manylion ym Mhrosiectws Dechrau yn yr Ysgol 2028-2029 ac ar [wefan yr awdurdod lleol](#).

9.2 Ceisiadau hwyr

Dylid cyflwyno cais mewn pryd i'r awdurdod lleol ei dderbyn erbyn y terfyn amser cyhoeddedig.

Gellir cyflwyno ceisiadau hwyr, hyd at 31 Awst 2028, ar-lein trwy 'Fy Nghyfrif' ar wefan Cyngor Bwrdeistref Sirol Pen-y-bont ar Ogwr.

Bydd ceisiadau hwyr nad ydynt wedi'u cynnwys yn y dyraniad lleoedd ar gyfer y diwrnod cynnig yn cael eu prosesu gan yr awdurdod lleol ôl y dyddiad cynnig cyhoeddedig perthnasol ac yn nhrefn y dyddiad ac amser y derbyniwyd y ceisiadau. Ni fydd y meini prawf gordanysgrifio yn berthnasol os oes lle ar gael yn yr ysgol a ffefrir ar yr adeg y mae'r cais yn cael ei brosesu, bydd lle yn cael ei gynnig. Gall ymgeiswyr hwyr weld bod eu dewis o ysgol yn llawn eisoes, hyd yn oed os honno yw eu hysgol ddalgylch.

9.3 Cylch derbyn i ysgol gynradd/fabanod (Derbyn)

Grŵp oedran perthnasol y flwyddyn derbyn yw 4-5 mlwydd oed.

Mae'n ofynnol yn ôl y gyfraith i bob plentyn dderbyn addysg amser llawn o ddechrau'r tymor ysgol ar ôl ei ben-blwydd yn bump oed. Ym Pen-y-bont ar Ogwr, derbynnir pob plentyn fel arfer i ddosbarthiadau Derbyn yn y mis Medi ar ôl ei ben-blwydd yn bedair oed. Fodd bynnag, gall rhieni/gofalwyr ddewis gohirio mynediad eu plentyn i'r flwyddyn Derbyn tan yn ddiweddarach yn yr un flwyddyn ysgol. Ni chaiff y gohiriad barhau ar ôl dechrau'r tymor sy'n dilyn pen-blwydd y plentyn yn bump oed, nac ar ôl y flwyddyn ysgol y derbyniwyd y cais derbyn gwreiddiol ar ei chyfer gan yr awdurdod lleol. Pan fydd y rhiant/gofalwr yn dymuno gohirio mynediad y plentyn i'r flwyddyn Derbyn fel y nodir, bydd yr awdurdod lleol yn cadw lle ar gyfer y plentyn.

Mae'n rhaid cyflwyno cais am le yn y flwyddyn Derbyn. **Ni dderbynnir plant i'r flwyddyn Derbyn yn awtomatig mewn unrhyw ysgol gynradd neu fabanod, ni waeth ym mha ysgol y mae'r plentyn yn mynychu dosbarth meithrin.**

Mae'r trefniadau derbyn cydlynol i ysgolion ar gyfer Dosbarthiadau Derbyn yn cynnwys pob ysgol gynradd gymunedol a'r ysgolion cynradd gwirfoddol a gynorthwyr canlynol:

- Ysgol Gynradd yr Eglwys yng Nghymru yr Archddiacon John Lewis
- Ysgol Gynradd Gatholig y Santes Fair
- Ysgol Gynradd Gatholig y Santes Fair a Sant Padrig
- Ysgol Gynradd Gatholig Sant Robert

Bydd angen i rieni lenwi Ffurflen Gais Gyffredin ar-lein a gallant fynegi hyd at dri dewis ar gyfer ysgolion cymunedol a/neu ysgolion gwirfoddol a gynorthwyr.

Byddai rhieni sy'n gwneud cais ar gyfer ysgol wirfoddol a gynorthwyr hefyd yn cwblhau ffurflen gais ategol ar gyfer yr ysgol unigol, pe byddai'r ysgol yn dewis gweithredu'r ffurflen hon. Byddai'r ffurflen hon yn cael ei dychwelyd yn uniongyrchol i gorff llywodraethu'r ysgol ynghyd ag unrhyw gyfeiriadau gofynnol, tystiolaeth ddogfennol ac unrhyw wybodaeth arall sydd ei hangen. Bydd unrhyw wybodaeth ategol a dderbynnir gan yr awdurdod lleol yn cael ei throsglwyddo i'r ysgol wirfoddol a gynorthwyr berthnasol ar gyfer dyrannu lleoedd yn unol â'u meini prawf gordanysgrifio.

Yr amserlen ar gyfer mynediad i'r Derbynn ym mis Medi 2028

Mae'r amserlen ddisgwyliedig ar gyfer plant a anwyd rhwng 1 Medi 2023 a 31 Awst 2024 a fydd yn dechrau yn y dosbarth Derbynn ym mis Medi 2028 fel a ganlyn:

Gweithred	Dyddiad
Y dyddiad agor ar gyfer cyflwyno ceisiadau.	10am Dydd Llun 8 Tachwedd 2027
Dyddiad cau ar gyfer derbyn ceisiadau.	4pm Dydd Sadwrn 15 Ionawr 2028
Bydd yr awdurdod lleol yn anfon manylion yr holl geisiadau a dderbynnir ar gyfer ysgolion gwirfoddol a gynorthwyr i'r ysgol berthnasol er mwyn iddynt allu cymhwyso'r meini prawf gordanysgrifio o fewn trefniadau derbyn yr ysgol.	Dydd Gwener 11 Chwefror 2028
Ysgolion gwirfoddol a gynorthwyr i hysbysu'r awdurdod lleol am restr o ymgeiswyr wedi'u blaenoriaethu'n unol â'r meini prawf gordanysgrifio yn eu polisïau derbyn.	Dydd Gwener 10 Mawrth 2028
Bydd yr awdurdod lleol yn rhoi gwybod i awdurdodau lleol eraill am nifer y ceisiadau a broseswyd gan drigolion yn eu hardal.	Dydd Gwener 24 Mawrth 2028
Bydd yr awdurdod lleol yn hysbysu'r ymgeiswyr ynghylch cynnig neu wrthod lleoedd (hynny yw, 'dyddiad y cynnig').	Dydd Llun 17 Ebrill 2028
Y rhieni i hysbysu'r awdurdod lleol, o fewn 14 diwrnod calendr, am dderbyn neu wrthod lle a gynigir.	Dydd Llun 1 May 2008

Dyddiad cau ar gyfer cyflwyno apêl gan y rhieni/gofalwyr.	4pm Dydd Llun 15 Mai 2028
---	------------------------------

9.4 Cylch derbyn i ysgol uwchradd (Blwyddyn 7)

Fel arfer, bydd plant yn dechrau Blwyddyn 7 yn yr ysgol uwchradd ar ddechrau'r flwyddyn ysgol sy'n dilyn eu pen-blwydd yn 11 oed.

Mae'n rhaid cyflwyno cais am le ym Mlwyddyn 7. **Nid oes derbyniad awtomatig i unrhyw ysgol uwchradd, ni waeth pa ysgol gynradd y mae plentyn yn ei mynychu ar hyn o bryd.**

Ym Mhen-y-bont ar Ogwr, mae un ysgol uwchradd cyfrwng Cymraeg (sef, Ysgol Gyfun Gymraeg Llangynwyd). Mae un ysgol uwchradd ffydd (sef, Ysgol Uwchradd Gatholig Archesgob McGrath). Mae pob ysgol uwchradd arall yn ysgolion cyfrwng Saesneg.

Bydd angen i rieni lenwi Ffurflen Gais Gyffredin ar-lein a gallant fynegi hyd at dri dewis ar gyfer ysgolion cymunedol a/neu ysgolion gwirfoddol a gynorthwyr.

Byddai rhieni sy'n gwneud cais ar gyfer ysgol wirfoddol a gynorthwyr hefyd yn cwblhau ffurflen gais ategol ar gyfer yr ysgol unigol, pe byddai'r ysgol yn dewis gweithredu'r ffurflen hon. Byddai'r ffurflen hon yn cael ei dychwelyd yn uniongyrchol i gorff llywodraethu'r ysgol ynghyd ag unrhyw gyfeiriadau gofynnol, tystiolaeth ddogfennol ac unrhyw wybodaeth arall sydd ei hangen. Bydd unrhyw wybodaeth ategol a dderbynnir gan yr awdurdod lleol yn cael ei throsglwyddo i'r ysgol wirfoddol a gynorthwyr berthnasol ar gyfer dyrannu lleoedd yn unol â'u meini prawf gordanysgrifio.

Yr amserlen ar gyfer derbyniadau i Flwyddyn 7 ysgolion uwchradd ym mis Medi 2028

Mae'r amserlen ddisgwyliedig ar gyfer plant a anwyd rhwng 1 Medi 2016 a 31 Awst 2017, sy'n trosglwyddo o ysgol iau/gynradd (Blwyddyn 6) i ysgol uwchradd (Blwyddyn 7) ym mis Medi 2028 fel a ganlyn:

Gweithred	Dyddiad
Y dyddiad agor ar gyfer cyflwyno ceisiadau.	10am Dydd Llun 13 Medi 2027
Dyddiad cau ar gyfer derbyn ceisiadau.	4pm Dydd Sul 31 Hydref 2027

Bydd yr awdurdod lleol yn anfon manylion yr holl geisiadau a dderbynnir ar gyfer ysgolion gwirfoddol a gynorthwyr i'r ysgol berthnasol er mwyn iddynt allu cymhwyso'r meini prawf gordanysgrifio o fewn trefniadau derbyn yr ysgol.	Dydd Gwener 26 Tachwedd 2027
Ysgolion gwirfoddol a gynorthwyr i hysbysu'r awdurdod lleol am restr o ymgeiswyr wedi'u blaenoriaethu'n unol â'r meini prawf gordanysgrifio yn eu polisïau derbyn.	Dydd Llun 17 Ionawr 2028
Bydd yr awdurdod lleol yn rhoi gwybod i awdurdodau lleol eraill am nifer y ceisiadau a broseswyd gan drigolion yn eu hardal.	Dydd Gwener 4 Chwefror 2028
Bydd yr awdurdod lleol yn hysbysu'r ymgeiswyr ynghylch cynnig neu wrthod lleoedd (hynny yw, 'dyddiad y cynnig').	Dydd Mercher 1 Mawrth 2028
Y rhieni i hysbysu'r awdurdod lleol, o fewn 14 diwrnod calendr, am dderbyn neu wrthod lle a gynigir.	Dydd Mercher 15 Mawrth 2028
Dyddiad cau ar gyfer cyflwyno apêl gan y rhieni/gofalwyr.	4pm Dydd Mercher 29 Mawrth 2028

10 Y broses gynnig ar gyfer rowndiau derbyniadau cydlynol

10.1 Dyddiadau'r cynigion

Mae Cod Derbyniadau Ysgol 2013 yn nodi sut y mae'n rhaid i awdurdodau derbyn yng Nghymru nodi'r dyddiad cynnig ar gyfer cylchoedd derbyn i ysgolion cynradd (Dosbarth Derbyn) ac ysgolion uwchradd (Blwyddyn 7), fel y nodir gan Rheoliadau Derbyniadau Ysgol (Dyddiad Cynnig Cyffredin) (Cymru) 2013. Nodir y dyddiadau cynnig perthnasol ar gyfer holl gylchoedd derbyn 2028-2029 yn adran 9.

10.2 Cyfathrebu'r canlyniad

Bydd rhieni/gofalwyr sy'n cyflwyno cais erbyn dyddiad cau cyhoeddedig cylch derbyn, neu rieni/ofalwyr y mae eu cais hwyr wedi ei dderbyn gan yr awdurdod lleol i'w gynnwys yn y broses o ddyrannu lleoedd ar gyfer y dyddiad cynnig, yn cael gwybod yn ysgrifenedig am ganlyniad eu cais.

Ni ddylai rhieni/gofalwyr ddisgwyl y bydd y canlyniadau yn cael eu cyfleu iddynt ar lafar.

Pe gwrthodir cais, bydd yr hysbysiad yn nodi'r rhesymau dros y penderfyniad a bydd yn rhoi gwybod i rieni/ofalwyr am y broses apelio.

Pan fo ceisiadau wedi'u derbyn gan rieni/gofalwyr gan awdurdod lleol arall, bydd yr awdurdod lleol yn rhoi gwybod i'r awdurdod lleol am nifer y ceisiadau a broseswyd yn unig a nifer y ceisiadau llwyddiannus. Ni fydd unrhyw wybodaeth bersonol yn cael ei rhannu'n awtomatig.

10.3 Derbynnig gan rieni/gofalwyr

Rhaid i rieni/gofalwyr sydd wedi cael cynnig lle ar y diwrnod cynnig, gadarnhau gyda'r awdurdod lleol eu bod yn derbyn y lle o fewn pythefnos ar ôl dyddiad y cynnig.

10.4 Rhestrau aros

Bydd yr awdurdod lleol yn cadw rhestrau aros ar gyfer yr holl ysgolion lle'r oedd gordanysgrifio i'r ysgol honno. Bydd ysgolion gwirfoddol a gynorthwyr yn hysbysu'r awdurdod lleol pan ddaw lleoedd ar gael. Bydd yr awdurdod lleol yn hysbysu'r rhiant/gofalwr am y cynnig o le sydd ar gael trwy lythyr.

Os na chynigir lle yn yr ysgol a ffeirir, bydd y plentyn yn cael ei gynnwys yn awtomatig ar restr aros yr ysgol honno oni bai bod y rhiant/gofalwr wedi dweud yn benodol wrth yr awdurdod lleol nad yw hyn yn ofynnol.

Ar gyfer y **cylchoedd derbyn**, bydd plant yn parhau i fod ar y restr aros, ar gyfer unrhyw ysgol y gwrthodwyd lle iddynt ynddi, tan 30 Medi 2027. Bydd plant yn cael eu tynnu oddi ar y restr/au aros yn awtomatig ar ôl y dyddiad hwn.

Os bydd lleoedd ychwanegol yn codi mewn ysgol, byddant yn cael eu dyrannu i blant ar y restr aros ar sail y meini prawf gordanysgrifio cyhoeddedig **nid** ar sail yr amser y mae disgybl wedi bod ar y restr aros.

11 Derbyniadau/trosglwyddiadau yn ystod y flwyddyn

Nid yw'r trefniadau derbyn cydlynol i ysgolion yn berthnasol i geisiadau derbyn / trosglwyddo yn ystod y flwyddyn.

12 Fforwm Derbyniadau Ysgol Pen-y-bont ar Ogwr

Mae dyletswydd statudol ar yr awdurdod lleol i sefydlu fforwm derbyniadau.

Mae cyfansoddiad Fforwm Derbyniadau Ysgol Pen-y-bont ar Ogwr yn unol ag Atodiad D o'r cod statudol, Cod Derbyniadau Ysgol 2013.

Swyddogaeth y fforwm yw helpu i sicrhau bod y system derbyniadau ysgol ym Mhen-y-bont ar Ogwr yn deg, yn syml ac yn hawdd i rieni/ofalwyr ei deall. Mae'r fforwm yn gyfrifol

am fonitro cydymffurfiad yr awdurdod lleol â'r cod statudol, Cod Derbyniadau Ysgol 2013 a gall y fforwm gynghori'r awdurdod lleol ar ffyrdd y gellid gwella trefniadau derbyn.

Cyhoeddir cylch gwaith, cofnodion cyfarfodydd ac adroddiadau blynyddol [Fforwm Derbyniadau Ysgol Pen-y-bont ar Ogwr](#) ar wefan yr awdurdod lleol.

13 Gwybodaeth ychwanegol

Yn ychwanegol at y ffynonellau gwybodaeth sydd wedi eu nodi eisoes, mae Prosbectws Dechrau yn yr Ysgol yr awdurdod lleol ar gyfer 2028-2029 yn darparu rhagor o wybodaeth am faterion sy'n ymwneud â derbyniadau ysgol neu ddechrau yn yr ysgol.

14 Ymholiadau

Ceir cyfeirio ymholiadau ynghylch y trefniadau hyn a'r prosesau derbyn neu apelio at Gwasanaethau Disgyblion fel a ganlyn:

E-bost: pupilservices@bridgend.gov.uk

Rhif ffôn: 01656 642622

Cyfeiriad: Bridgend County Borough Council
Y Gyfarwyddiaeth Addysg, Blynyddoedd Cynnar a Phobl Ifanc
Gwasanaethau Disgyblion
Y Swyddfeydd Dinesig
Stryd yr Angel
Pen-y-bont ar Ogwr
CF31 4WB

These [arrangements](#) are published on Bridgend County Borough Council's website.

Atodiad A – Awdurdod derbyn

Ysgol	Awdurdod derbyn
Ysgolion cynradd cyfrwng Saesneg	
Ysgol Gynradd Abercerdin	Awdurdod lleol
Ysgol Gynradd Afon y Felin	Awdurdod lleol
Ysgol Gynradd Betws	Awdurdod lleol
Ysgol Gynradd Blaengarw	Awdurdod lleol
Ysgol Gynradd Bracla	Awdurdod lleol
Ysgol Gynradd Bryncethin	Awdurdod lleol
Ysgol Gynradd Brynmenyn	Awdurdod lleol
Ysgol Fabanod Bryntirion	Awdurdod lleol
Ysgol Gynradd Caerau	Awdurdod lleol
Ysgol Gynradd Cefn Cribwr	Awdurdod lleol
Ysgol Fabanod Cefn Glas	Awdurdod lleol
Ysgol Gynradd Coety	Awdurdod lleol
Ysgol Gynradd Corneli	Awdurdod lleol
Ysgol Gynradd Llangrallo	Awdurdod lleol
Ysgol Gynradd Croesty	Awdurdod lleol
Ysgol Gynradd Cwmfelin	Awdurdod lleol
Ysgol Gynradd Ffaldau	Awdurdod lleol
Ysgol Gynradd Garth	Awdurdod lleol
Ysgol Gynradd Litchard	Awdurdod lleol
Ysgol Iau Llangewydd	Awdurdod lleol
Ysgol Gynradd Llangynwyd	Awdurdod lleol
Ysgol Gynradd Maes yr Haul	Awdurdod lleol
Ysgol Gynradd Mynydd Cynffig	Awdurdod lleol
Ysgol Gynradd Nant-y-ffyllon	Awdurdod lleol
Ysgol Gynradd Nant-y-moel	Awdurdod lleol
Ysgol Gynradd Y Drenewydd	Awdurdod lleol
Ysgol Gynradd Nottais	Awdurdod lleol
Ysgol Gynradd Bro Ogmores	Awdurdod lleol
Ysgol Gynradd Hengastell	Awdurdod lleol
Ysgol Gynradd Pen-coed	Awdurdod lleol

Ysgol	Awdurdod derbyn
Ysgol Gynradd Pen-y-bont	Awdurdod lleol
Ysgol Gynradd y Pîl	Awdurdod lleol
Ysgol Gynradd Plasnewydd	Awdurdod lleol
Ysgol Gynradd Porthcawl	Awdurdod lleol
Ysgol Gynradd Tondu	Awdurdod lleol
Ysgol Gynradd Trelales	Awdurdod lleol
Ysgol Gynradd Tremains	Awdurdod lleol
Ysgol Gynradd Tynyrheol	Awdurdod lleol
Ysgol Gynradd Parc y Gorllewin	Awdurdod lleol
Ysgolion cybradd wirfoddol a reolir cyfrwng Saesneg	
Ysgol Gynradd yr Eglwys yng Nghymru Pen-y-Fai	Awdurdod lleol
Ysgolion cynradd cyfrwng Saesneg a gynorthwyir yn wirfoddol	
Ysgol Gynradd yr Eglwys yng Nghymru yr Archddiacon John Lewis	Corff llywodraethu ysgol
Ysgol Gynradd Gatholig y Santes Fair	Corff llywodraethu ysgol
Ysgol Gynradd Gatholig y Santes Fair a Sant Padrig	Corff llywodraethu ysgol
Ysgol Gynradd Gatholig Rufeinig Sant Robert	Corff llywodraethu ysgol
Ysgolion cynradd cyfrwng Cymraeg	
Ysgol Gymraeg Bro Ogwr	Awdurdod lleol
Ysgol Gynradd Gymraeg Calon y Cymoedd	Awdurdod lleol
Ysgol Cynwyd Sant	Awdurdod lleol
Ysgol y Ferch o'r Sgêr	Awdurdod lleol
Ysgolion uwchradd cyfrwng Saesneg	
Ysgol Brynteg	Awdurdod lleol
Ysgol Gyfun Bryntirion	Awdurdod lleol
Coleg Cymunedol Y Dderwen	Awdurdod lleol
Ysgol Gyfun Cynffig	Awdurdod lleol
Ysgol Maesteg	Awdurdod lleol
Ysgol Gyfun Pencoed	Awdurdod lleol
Ysgol Gyfun Porthcawl	Awdurdod lleol

Ysgol	Awdurdod derbyn
Ysgolion uwchradd gwirfoddol a gynorthwyr cyfrwng Saesneg	
Ysgol Uwchradd Gatholig yr Archesgob McGrath	Corff llywodraethu ysgol
Ysgolion uwchradd cyfrwng Cymraeg	
Ysgol Gyfun Gymraeg Llangynwyd	Awdurdod lleol

Atodiad B - Aiferoedd derbyn

Niferoedd derbyn yr ysgolion hynny y mae'r awdurdod lleol yn awdurdod derbyn ar eu cyfer.

Nid yw'r nifer derbyn ar gyfer pob ysgol yn berthnasol i ddosbarthiadau meithrin.

Mae niferoedd derbyn yn parhau i gael eu hadolygu a gallant newid cyn dechrau blwyddyn ysgol 2028-2029.

Ysgol	Rhif derbyn cyhoeddedig
Ysgolion cynradd cyfrwng Saesneg	
Ysgol Gynradd Abercerdin	30
Ysgol Gynradd Afon y Felin	19
Ysgol Gynradd Betws	30
Ysgol Gynradd Blaengarw	24
Ysgol Gynradd Bracla	45
Ysgol Gynradd Bryncethin	35
Ysgol Gynradd Brynmenyn	60
Ysgol Fabanod Bryntirion	40
Ysgol Gynradd Caerau	60
Ysgol Gynradd Cefn Cribwr	20
Ysgol Fabanod Cefn Glas	66
Ysgol Gynradd Coety	60
Ysgol Gynradd Corneli	46
Ysgol Gynradd Llangrallo	19
Ysgol Gynradd Croesty	30
Ysgol Gynradd Cwmfelin	30

Ysgol	Rhif derbyn cyhoeddedig
Ysgol Gynradd Ffaldau	30
Ysgol Gynradd Garth	30
Ysgol Gynradd Litchard	60
Ysgol Iau Llangewydd	90
Ysgol Gynradd Llangynwyd	14
Ysgol Gynradd Maes yr Haul	75
Ysgol Gynradd Mynydd Cynffig	60
Ysgol Gynradd Nantyffyllon	40
Ysgol Gynradd Nant-y-moel	30
Ysgol Gynradd Y Drenewydd	34
Ysgol Gynradd Nottais	60
Ysgol Gynradd Bro Ogmores	53
Ysgol Gynradd Hengastell	60
Ysgol Gynradd Pencoed	72
Ysgol Gynradd Pen-y-bont	45
Ysgol Gynradd y Pîl	30
Ysgol Gynradd Plasnewydd	45
Ysgol Gynradd Porthcawl	28
Ysgol Gynradd Tondu	42
Ysgol Gynradd Trelales	30
Ysgol Gynradd Tremains	65
Ysgol Gynradd Tynyrheol	10
Ysgol Gynradd Parc y Gorllewin	55
Ysgolion cybradd wirfoddol a reolir cyfrwng Saesneg	
Ysgol Gynradd yr Eglwys yng Nghymru Pen-y-Fai	30
Ysgolion cynradd cyfrwng Saesneg a gynorthwyir yn wirfoddol	
Ysgol Gynradd yr Eglwys yng Nghymru yr Archddiacon John Lewis	30
Ysgol Gynradd Gatholig y Santes Fair	30
Ysgol Gynradd Gatholig y Santes Fair a Sant Padrig	25
Ysgol Gynradd Gatholig Rufeinig Sant Robert	22

Ysgol	Rhif derbyn cyhoeddedig
Ysgolion cynradd cyfrwng Cymraeg	
Ysgol Gymraeg Bro Ogwr	54
Ysgol Gynradd Gymraeg Calon y Cymoedd	30
Ysgol Cynwyd Sant	45
Ysgol y Ferch o'r Sgêr	33
Ysgolion uwchradd cyfrwng Saesneg	
Ysgol Brynteg	333
Ysgol Gyfun Bryntirion	210
Coleg Cymunedol Y Dderwen	276
Ysgol Gyfun Cynffig	180
Ysgol Maesteg	228
Ysgol Gyfun Pencoed	214
Ysgol Gyfun Porthcawl	246
Ysgolion uwchradd gwirfoddol a gynorthwyir cyfrwng Saesneg	
Ysgol Uwchradd Gatholig yr Archesgob McGrath	145
Ysgolion uwchradd cyfrwng Cymraeg	
Ysgol Gyfun Gymraeg Llangynwyd	165